

مجموعہ سنون

از

جمعیت علمیہ عثمانیہ

ایکٹھی سہنہ

نومرو ۲۴

ذی الحجہ

استانبول

جمعیت علمیہ عثمانیہ مطبعہ سندہ طبع اولنشد



۱۲۸۰

بر طرفه طوغری چکله رک بر ایپ ایله باغلانور و اورادن ایرلدقده
 صار صماقی ایچون اشبو ایپ بر کبریت ایله حرق و قطع اولنور.
 رتاصک ایلاک دفعه حرکنده کله تک اوجی قوم اوزرنده ایکی چزکی
 چزر و بو چزکیله مثلا رتاصک ایلاک حرکتی شمالدن جنوبه طوغری
 اولدیغی حالده عظامت خاصه سی اقتضا سنجه ایکنجی حرکتی
 ینه او خط اوزرنده وقوع عیسی لازم کلور ایکن اولکی خطک
 صول طرفده بر چزکی چزر و بو تجربه در سعادتده اجرا اولندیغی
 تقدیرده سیاق مذکور اوزره حرکت ایدرک ساعتده اون بدرجه
 قطع و بالاده ذکر اولندیغی وجهله رقا ص اوتوز یدی بچق ساعت
 مرورنده بدأ ایتش اولدیغی خط اوزرینه عودت ایدر.
 (حاجی اسکندر)

(دائرة معارف عمومی کشادی)

هر صنف تبعه شاهانه بینده علوم و معارف نافعته تک انتشاری نزد
 سلطنت سینه ده کال درجه مطلوب و ملترم اولدیغی بر دلیل
 جدیدی اولق اوزره بودفعه با اراده سینه حضرت پادشاهی دائرة
 معارف عمومی عنوانیه بر مجلس تشکیل بیورلشدور. بو خصوصه
 دائر شرفصادر اولوب صورتی زیرده مندرج بولنان تذکره سامیه
 جناب و کالتپناهی مطالعه سندن دخی مستبان اوله جغی وجهله
 مجلس مذکور ممالک محروسه شاهانه ده بولنان کافه مکاتبه نظارت
 و بونلرک حسن اداره و انتظام لری اسباب تک استحصالت سعی و همت

ن ایدہ جکدر۔ اشو مجلس ماہ حالک یکر می یدنجی پنجشنبه کونی
کشاد اولمش و سایہ معارفوایہ حضرت پادشاہیدہ پک چوق
نتایج خیرہ سی ظہوری مأمول بولمشد۔

مجلس مذکورک تشکیله دائر فی ۱۸ رمضان سنہ ۱۲۸۰ و ۱۳
شباط سنہ ۱۲۷۹ تاریخلریله مؤرخا معارف نظارت جلیله سنہ
صادر اولان تذکرہ سایہ نک صورتیدر۔

هر صنف تبعہ سلطنت سنہ اطفالک تعلیم و تربیدلرینہ مخصوص
اولان مکاتبک تسویہ مصالح واقعہ سی مجلس معارف ایله مؤخرأ
تشکیل اولنان مجلس معارف مختلطک وظایف اصلیه بسندن اوله جفی
حالدہ مجلس مختلطک شمدی یه قدر هر نصله بر صورت منتظمده
تجمع ایدہ مامسی و مجلس معارف عمومیہ اعضاسی دخی امر معارفک
اقسامندن بعض خصوصاتک رؤیتله اشتغال ایدرک بونکده مطالب
حاصل اوله مامسی جهتیله مجلس مختلط مذکور لغو و تعطیل
اوله رق بری مکاتب صبیان مسله و دیگرى مکاتب رشديه و علمیه
نامیه ایکی قومسیون اوزرینه مجددأ بر معارف عمومیہ هیئت تشکیله
و تفرعانه دائر وارد اولان تذکرہ بهیدلری اوزرینه مجلس والادن
قله النان مضبطه انجمن مخصوص مشورته لدی المطالعده کافه
دول عمده ده فنون و معارفک ایلرولمسيله تربیت عامه قضیه سنک
حصولی تنظیم و اصلاح مکاتب عمومییه موقوف اوله رق اگرچه
سایه معارفیرایه حضرت پادشاہیدہ مکتبارک اصول تعلیمیه

و تدریسیه چه محتساج اولدیغی اصلاحات پیدرپی اکیال ایدلمکده
ایسندده فعله و میدانه کتوریلان شیلرک مقسم و مرجعی و اصول
لازمه نك مرتب و واضعی برنجی مرتبه ده مجلس معارف اوله رق
بونك مقتضای حال و مصلحت کوره هیئتجه و اداره جه اصلاحی
امور مقتضیه دن اولدیغنه و مضبطه مذکوره ده کومیسونلرکی وجهله
بولردن مکاتب صبیان مسله قومیسونی اسلامه مخصوص اولان
هرنوع کتب مذهبییه و فقهیه نك تحقیق و تدقیقینه و دیگری دخی
کافه تبعه شاهانه اطفالنك امر نظارینه دائر خصوصاتك
تسویه سنه مأمور اولق اوزره اعضاسی دائرة معارفده اجتماع
ایتمکده اولان واسامیسی ملفوف پوصله ده محرر بولسان ذواتدن
مرکب اولسی و مکاتب رشدییه نك مکاتب علمیه یه و مکاتب حریه
و بحریه و مهندسخانه و طبیه مثلاًو مکاتب شاهانه یه و ترجمه اوطه سیله
اقلام سائر یه مخرج بولمنسی حسییه بو مکتبلرک ناظرلی بولان
ذوات ایله مترجم اول اولان ذاتک و روم و ارمنی و قنواک ملترلندن
بری ملت مجلسی اعضاسنك پاپاسلق صفتنده اولیان طاعتدن
و دیگری خارجدن اولق اوزره ایکبشر و یهودی و پروتستان
ملترلندن بر اعضاتك ذکر اولنان مکاتب قومیسونلرنده بولندیرلسی
اقتضا ایده جکندن مکاتب صبیان مسله قومیسونی کافی السابق
هفته ده یالکز بر کره اجتماع ایدرک امور مأموره سنی تسویه و مکاتب
رشدییه مختلطه قومیسونی دخی هفته ده یالکز بر کره اجتماع ایدرک
مواد عمومیه مذاکره سیله اشتغال ایلسی و مواد عادیه و جاریه نك
رؤیت و تسویه سیچون قومیسون مذکورک انتخابیه اعضای
موجوده دن مرکب بر قومیه تشکیل اولوب قومیسونك اجتماعی

کونندن غیرى هفتده بر ويا ايكي كرن باجمع ايفاي ما دوريت
ايلسى يعنى تعليم فرائض دينيه مخصوص اولان مكاتب مسلمة
صبيان اداره سيله كتب شرعيه تدقيقاته مأمور اوله حق هيتك
بشقه و عمومه عائد اولان امور تحصيليه نظارت ايدى جك هيتك
ايرو اولسى يولنده اولوب شوقدر كه بونلر ايرو ايرو ايكي مجلس ويا
قوميسيون شكلنده اولسندن ايسه مجلس معارف بر هيت اعتبار
اولوب و رياستى نظارت جليله لرينه و يريلوب بعض مجلسلرده اولديغى
كي ايكي دائره يه تقسيم و اعضاسى بيان اولان يولده تعيين
ايديله رك برينه دائره مكاتب مخصوصه و ديكرينه دائره مكاتب
عموميه دينسى و اعضاسندن برينك بو دائره لر رياسته و كالت
ايتيمى دهها مناسب اوله جغدن اولوجهله اجراى ايجابنده بالاستيدان
اراده سنه حضرت پادشاهى متعلق بيورلش و مذكور پوصله نك
بر صورتى لفا كوندرلش اولغله بر منظور اراده سنه مقتضاسنك
ايفاسنه همت بيورملرى سياقنده تذكره ثن اورى ترقيه ابتدار
قلندى

(دائرة مكاتب خصوصيه اعضاسى)

سما حنلو عماد الدين افندى	مكر متلو اسحق افندى
سما حنلو نظيف افندى	مكر متلو محمد عارف افندى
فضيلتو حازم افندى	مكر متلو حسين افندى
عزتو حاجى امين افندى	مكر متلو مصطفى افندى
مكر متلو بكر افندى	كاتب اول عزتو رشدى بك
مكر متلو عبد الكريم افندى	كاتب ثانى عزتو محبت بك

دائرة مكاتب عمومیه اعضاسی

معارف و نافعہ مستشاری سعادتلو ادوسیدس افندی
 درویش پاشا حضرتلری اردنی ملتدن میرالای عزتلو دوكتور
 دیوان ضبیطة رئیس سعادتلو استغان بك
 صالح افندی حضرتلری اردنی ملتدن عزتلو اودیان کرقور افندی
 مكاتب فنون حربیه واعدادیه و بحریه قتواك ملتدن داود اوغلی اغوب
 و طبیه و مهندسخانه عامره افندی
 ناظرلری (مأ موریتلرینه قتواك ملتدن دوكتور قسپار افندی
 مخصوص اوله جقدر) پروتستان ملتدن رفعتلو بنوصیان
 معارف و نافعہ مكاتب مجبسی عزتلو حازاروس افندی
 راشد افندی یهودی ملتدن رفعتلو ایمان قبل غبای
 باب عالی مترجم اولی عزتلو منیف افندی
 افندی (مأ موریتلرینه مخصوص صدر) باش کاتب ترجمه و طه سی خاقاسندن
 روم ملتدن عزتلو استغان قره رفعتلو رفعت افندی
 طودوری افندی ایکنجی کاتب معارف معارف نلرندن
 روم ملتدن عزتلو قسطنطای ارتین افندی